

官職有定姓

巫部連吉繼等賜姓當世宿禰公成者神饒速日命苗裔也昔屬大長谷稚武天皇○雄略時公成始祖真  
椋大連奏迎筑紫之奇巫奉救御病之膏宣天皇寵之賜姓巫部後世疑謂巫覡之種故今申改之

〔延喜式二十三〕凡諸社神主禰宜祝者擇八位以上及六十以上堪祭事者補之雖元來定氏之社并神

戶百姓而先盡八位及六十以上然後及壯年白丁即免課役

〔延喜式二十八〕凡衛門府門部先簡負名入色人補之若不足者三分之一通取他氏

〔三代實錄三十五〕元慶三年五月廿三日壬子伊勢國度會郡大神宮氏人神主姓荒木田三字大神宮

氏人有三神主姓荒木田神主根本神主度會神主是也自進大肆荒木田神主首麻呂以後脫漏荒木

田三字今首麻呂裔孫向官披訴故因舊加之

〔類聚符宣抄七〕改姓

太政官符民部省 外

應改姓名左少史正六位上錦宿禰時佐事

男十三人 本貫左京三條三坊

女五人

今請三善朝臣姓

右得時佐去二月二日解僭謹檢舊記時佐之先出自漢東海王之後波能志譽田天皇○應神御世隨葛

木襲津彥歸化大鷦鷯天皇○仁德御世隨居地賜名錦織姓三善朝臣枝葉雖異本源是同謹檢先例外

記官吏主計主稅之助改姓之者古今尤多近則右少史高安連佐忠給內藏朝臣姓右大史川瀨連保

基紀朝臣姓大外記御船宿禰傳說菅野朝臣姓主計助山前連義忠伴宿禰姓主稅助錦宿禰茂明三

善朝臣姓等是也自餘之例不可勝計加以去延喜五年十二月廿九日宣旨僭改居姓濫有申請自今

以後外記史諸道博士主計主稅助左右近衛將監之外所進申文不得執申者時佐適以愚昧之身幸